

तो॒न्द्राग्नी॒ वै सर्वे॑ दे॒वाः सर्व॑दे॒वत्योऽग्नि॒र्यावान॒ग्नि॒र्याव॒त्यस्य॑ मा॒त्रा ता॒वतै॒वैन॑मे॒-
 त॒दुप॑दधाति द॒ध्ना पूर्णा॑ भवत्यै॒न्द्रं वै द॒धि स्वे॒नै॒वैन॑मे॒तद्वा॒गेन॑ स्वे॒न र॒सेन॑ प्रीणा॒-
 ति ॥ ४२ ॥ ता॒वस्यै॒तावि॒न्द्राग्नी॒ऽएव॑ बा॒हू । ता॒वेनं॑ ते॒जसा॑ च वी॒र्येण॑ च सह
 प्र॒पद्ये॑ते स॒ सम्प्र॑त्युरः पुरुषमाका॒शय॑ य॒त्राभ्या॑प्नोति त॒दालि॒ख्यैने॒ऽउप॑दधात्येष॒ ह्यै॒-
 तयो॒र्लीकः॑ ॥ ४३ ॥ ते ह्यै॒के ति॒रश्वा॒ऽउप॑दधति । ति॒र्यश्चौ॒ वाऽऽमौ॑ बा॒हूऽइति॑
 न त॒था कुर्यात्प्रा॒च्यावे॒वोप॑दध्यात्प्रा॒ङ् क्ये॒षोऽग्नि॒श्चीय॑ते॒ऽथोऽएवं॑ वै बा॒हू वी॒र्य॒-
 व॒त्तरौ॑ ते ना॒नोप॑दधाति ना॒ना सा॒दय॑ति ना॒ना सू॒ददो॒हसा॒धिव॑दति ना॒ना ह्यै॒-
 मौ बा॒हू ॥ ४४ ॥ त॒दाहुः॑ । नै॒तस्य॑ पुरुषस्य बा॒हू कुर्या॑दे॒तौ वाऽअ॒स्य बा॒हू ये
 ऽए॒ते सु॒चौ ने॒दति॑रे॒चय॑ानीति स॒ वै कुर्या॑दे॒वैतौ॒ वाऽअ॒स्य बा॒हूऽअ॒न्वेते॑ सु॒चा॒-
 व॒थोऽए॒तौ प॒क्षाव॒थो या॒न्येत॑स्मिन्न॒ग्नौ वृ॒पाण्यु॑पधास्यन्भवति या॒न्स्तो॒मान्या॒नि पृ॒-
 ष्ठा॒नि या॒नि ह॒न्दा॒स्येत॑यो॒रेव॑ सा सं॒स्कृति॑रे॒तयो॒र्वृद्धि॑स्त॒स्मादु॑ कुर्या॑दे॒वैत॑स्य पु॒-
 रुष॑स्य बा॒हू ॥ ४५ ॥ ब्रा॒ह्मण॑म् ॥ १ [४. १.] ॥

स्वय॑मा॒तृष्णामु॑पदधाति । इ॒यं वै स्वय॑मा॒तृष्णे॒मामे॒वैत॑दुपदधाति ता॒मन॑त्तर्हि॒तां
 पु॒रुषा॑दुपदधात्य॒न्नं वै स्वय॑मा॒तृष्णे॒यं वै स्वय॑मा॒तृष्णे॒यमु॒ वाऽअ॒न्नम॑स्या॒ ह्यि॒ सर्व॑-
 म॒न्नं प॑च्यते॒ऽन॑त्तर्हि॒तमे॒वास्मा॑दे॒तद॒न्नं द॑धात्यु॒त्तरा॑मु॒त्तर॑मे॒वास्मा॑दे॒तद॒न्नं द॑धाति ॥ १ ॥
 य॒द्वेव॑ स्वय॑मा॒तृष्णामु॑पदधाति । प्रा॒णो वै स्वय॑मा॒तृष्णा॒ प्रा॒णो ह्ये॒वैत॑त्स्वय॑मा॒त्मन॑
 आ॒तृन्ते॒ प्रा॒णमे॒वैत॑दुपदधाति ता॒मन॑त्तर्हि॒तां पु॒रुषा॑दुपदधाति प्रा॒णो वै स्वय॑मा॒-
 तृष्णे॒यं वै स्वय॑मा॒तृष्णे॒यमु॒ वै प्रा॒णो य॒द्वि किं॑ च प्रा॒णीयं॑ तत्सर्वं बिभ॑र्त्य॒न॑त्तर्हि॒-
 तमे॒वास्मा॑दे॒तत्प्रा॒णं द॑धात्यु॒त्तरा॑मु॒त्तर॑मे॒वास्मा॑दे॒तत्प्रा॒णं द॑धाति ॥ २ ॥ य॒द्वेव॑ स्वय॑-
 मा॒तृष्णामु॑पदधाति । प्र॒जाप॑तिं वि॒स्रस्तं॑ दे॒वता॑ आ॒दाय॑ व्यु॒दक्रा॑मंस्ता॒सु व्यु॒त्क्रा॑मन्ती॒-
 षु प्र॑ति॒ष्ठाम॑भिप॒द्योपा॑विशत् ॥ ३ ॥ स॒ यः स॒ प्र॒जाप॑तिर्व्य॒स्र॒सत॑ । अ॒यमे॒व स॒ यो
 ऽय॑म॒ग्निश्ची॒यते॒ऽथ॒ या सा॒ प्र॑ति॒ष्ठैषा॑ सा॒ प्रथ॑मा स्वय॑मा॒तृष्णा॒ तद्य॑दे॒ताम॒त्रोप॑दधाति